



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

A nr. 161/2014

Paneli Zgjedhor për Ankesa dhe Parashtresa (PZAP), i e përbërë nga gjyqtarët: Ferit Osmani kryesues, Rafet Haxhaj dhe Xhevdet Abazi anëtarë, duke vendosur përkritazi me ankesën e subjektit politik Aleanca për Kosovën e Re (AKR) me seli në Mitrovicë, për shkak të dëmtimit të posterëve në rrugë publike, për Zgjedhjet e Parakohshme për Kuvendin e Republikës së Kosovës, në seancën e panelit të mbajtur me datë 08.06.2014, mori këtë:

VENDIM

Hidhet poshtë si e pa rregullt ankesa e subjektit politik Aleanca Kosova e Re (AKR) me seli në Mitrovicë .

Arsyetim

Me datën 05.06.2014, subjekti AKR, ka parashtruar ankesë në PZAP, në të cilën ankesë pretendon se, me datën 03.06.2014, në orët e hershme të mëngjesit afër lagjës Kolonia te varrezat serbe është djegur poster i kryetarit të komunës së Mitrovicës. Parashtruesi i ankesës ka kërkuar nga KQZ-ja që të deklarohet për këtë ngjarje dhe nga organet e hetuesis që të angazhohen në zbulimin e kësaj vepre, në mënyrë që të merren masat ligjore. Parashtruesi i ankesës i ka bashkangjitur 3 deklarata.

Dëshmitari Jeton Ujkanit ka deklaruar se se me datë 03.06.2014 në ora 08:00 në hyrje të Mitrovicës e ka vërejtur se poster i kryetarit të komunës të djegur.

Ndërsa dëshmitari Agim Berisha ka deklaruar se me datën 03.06.2014, ka vërejtur se rreth varrezave bilbordi ishte i djegur i kryetarit te komunës.

Parashtruesi i ankesës i ka bashkangjitur 4 fotografi si dëshmi .

PZAP-i, pasi që shqyrtoj rregullsinë e ankesës gjeti se:

ankesa është e pa rregullt

PZAP-i, konstatoi nga shkresat e lëndës se ankesa është e parregullt sepse parashtruesi i ankesës nuk e ka specifikuar se kush mund të jetë kryerësi i supozuar i shkeljeve të pretenduar në ankesë siç kërkohet në bazë të nenin 3 par.6 pikat (c), (e) dhe (f) të Rregullave dhe procedurave të PZAP-it.

Prandaj PZAP-i, nuk u lëshua fare në shqyrtimin e kësaj çështje, ngase nuk janë plotësuar kushtet e kërkuara nga dispozita e lartëtheksuar andaj bazuar na dispozitat e theksuar më lart si dhe në arsyet e sipërshënuar po ashtu në kuptim të nenit 4.2 të Rregullave dhe Procedurave të PZAP-it dhe në kuptim të dispozitës së nenit 118.1 të LZP-së lidhur me ankesën e lart përmendur u vendos si në dispozitiv të këtij vendimi.

Paneli Zgjedhor për Ankesa dhe Parashtresa në Prishtinë

Anr.161/2014 më datën 08.06.2014

Kryesuesi i Panelit
Ferit Osmani



Këshillë Juridike:

PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se çështja prek një të drejtë themelore.*